

湖海同聲

集

宣統元年八月

子忠書

2504

湖海同聲集後集卷一

江都童 閩補蘿輯

王以懋

夢湘

訪家鷺田別駕時移居琵琶泉

溪風吹夕陽山光隱城闕秋蟬導人行一徑入幽絕到門聲震耳斷壁蘚花裂石齒漱危泉池心散飛雪倒射軒窗晴雲波互明滅吾宗老摩詰雲臥振芳潔卜居泉石鄰屢淹故人輟睠言剡溪訪迨此新雨歇焚香捉松枝暝坐離言說蘭氣清道心詩味入禪悅憶昔城南遊春山亂啼鵲十年話幽賞露階禽蜻蛚塵襟惜竹筇世事問苔碣依依茗烟熟歸鴉帶林月餐英謫離騷遲我重陽節

施韻甫觀察

補章

惠澤雅堂詩集兼贈新什奉和二章

風騷蕪沒三千載大筆誰渝屈宋哀古有詩人耽吏隱天教聖代謫仙才

東南吟吐蘇堤曉西北行營天馬來多少拾遺憂國淚盪胸雲氣一時開
三十青袍猶未遇東山愁聽澤鴻哀官河落日餘孤劍戎幕秋風感下才敢
托琴聲流水曲多慚賦手夜珠來參軍侍宴重陽近珍重黃花笑口開

北上題晏城壁

花朝寒尙劇不信柳條新積雪白於水亂山青向人賓鴻南國侶官舫大河
春永愧滄洲逸東風采綠蘋

易陽橋口占

畫出燕南二月天蘆芽刺水柳含烟一竿破網當風曬知是誰家鴨嘴船
竟日東風吹柳陰魚公陂上草如針啼鴉兩岸暮榔合七十二沽何處尋

孫雄師鄭

客言各省小民困於瑣細之捐稅因多投入洋籍長吏無如何也感而
賦此

萬戶困征輸苛政猛於虎世外有桃源中原無樂土
敲魚復敲爵長吏亦何心困獸猶思鬪飢禽將擇林
恩詔下九重讀者感而涕奈何民父母乃心忘愷悌
風塵困簿書遑言教與養泰山墓間婦流涕不敢仰

張蓬仙前輩歲暮饋銀奉謝

兩雪漫天擁敝裘驚人索句死方休學通莊墨求龍象

君嘗言西人說理諸書多竊戰國諸子之

諸餘實則管商莊墨包括無遺學者但當於實處求精不宜於虛處索隱治式龔黃趣屬鳩腸熱尙存湖海氣交
深念及稻粱謀西風打屋稜稜紙鏤腎雕肝萬斛愁

澄江友人談閻忠烈公應元乙酉殉難事余於丙戌丁亥間肄業南菁

書院曾謁閻公祠堂作歌弔古原稿已佚僅憶將軍慷慨稱斷頭南
都降將奴顏羞二句因補成之

典史一官九品耳此中乃有奇男子錚錚不屈甘效死殷有三仁如鼎峙

厚砥

教諭節縣陳明遇
諡烈忠同治殉焉

英風壯氣凌九州孤城斗大江水流將軍慷慨稱斷頭南
都降將奴顏羞吁嗟乎有明養士三百年立朝幾輩如公賢武臣惜死文愛
錢最爾卑官道義肩飲冰嚼鐵百鍊堅城樓截指丹心懸甌生欣慕願執鞭

王在宣

鈍夫

翩翩者燕

翩翩者燕爰族於巢父母育止亦云其勞今當分離聲悲以嘈將勿去止巢
匪攸處豈曰日長坐而待哺顧瞻迴翔不能成語秋風淒淒百草其腓長集
於萊逝將安歸瞻彼鴻雁肅肅南飛思與頡頏爾形已微

都中見菊花

行客出門時回首望叢菊解裝燕臺傍黃花忽在目豈不娛我情秋色如可
掬其如非故園遲暮易棲觸此花固幽逸所契在隱獨鬻買來市中幸不帶
塵俗抗懷彭澤陶籬根醉醺醺還矣歸來辭懷慚未敢讀

感興

頻年感慨爲蹉跎搔首昂天一浩歌明月不隨新刼換白雲常覺故山多望
深極浦思蘭芷春到窮巖憶薜蘿漫說長安花正好客中風物奈愁何

楊增華

酌谷

殘絲曲

一隻鴛鴦樓上愁百尺殘絲空際游
翠殿影俯江水水波碾雲雲不起四
邊花絮相逐飛千縈萬轉將何依
咒風吹去入君骨風片不成星又沒

陶然亭

一枕西山路杳漠夕陽邀夢到孤亭
梁間覓燕都非故石底求鼃已不靈
弱水神光憚外轉鈞天法曲霧中聽
憑欄欲寄秋風淚濕盡芙蓉劍上星

題吳公璞同年秋林讀書圖

嗟君此事長懸夢遲我他年與結鄰
久擬收心銘白石可憐開眼墮黃塵
千

山猿鶴來時路一卷蟲魚劫外人又是秋風聽不得短燈相對鬚毛新
幾回吹影少微旁四角浮雲失故鄉鷄肋功名徒擾擾鼠肝身世太荒荒精
靈永夜愁相隔法會多生願未償好覓樓臺孤迥處一杯秋雪語山光

吳景毓

少謙

題謝皋羽晞髮集後二首

荊棘銅駝感故都漫傳小草編江湖海天遼闊飛雙鷗山澤傍徨起夜烏臣
妾簽名輿地表王孫承旨水雲圖趙家淨土嗟何所晞髮陽阿屈左徒
痛哭難回九廟靈誰啣海石填滄溟極憐南渡衣冠盡空對西臺涕淚零上
相風雲留玉帶荒陵烟雨剩冬青笑人豈獨田橫島洒洒羞過許劍亭

王潛剛

饒生

戴五見過

把劍談烽火逢花到酒樽有人探地脉何處問河源滄海魚龍舞天關虎豹

尊高軒能幾過相對夜溫存

小閣孤燈迥憂懷世事侵亂蛙添夜雨啼鳥換春心極北長星耿江南秋水
深吾廬容抱膝大澤有哀吟

辛丑九月將去海門

冥鴻萬里想雲羅苦竹黃蘆夢雨多明月西園添客思春潮南浦漾微波花
前心事憐鸚鵡天外車書問駱駝回首九年行樂地一窗辜負對青螺

葉玉森

鐘紅

溫則宮詞

溫則宮者英前女皇維多利亞之寢宮女皇夫死乃鑄其象於宮中
築墓於宮側終身衣黑以誌哀悼亦西史之豔蹟也爲賦此詞

華鬢紫鳳鳴鏘鏘瀛洲淚史哀娥皇摩挲銅狄落秋雨溫則宮中春恨長恨
長恨短春潮咽鴿嬌鶯麗承歡日不似夷光孕苧村本來弄玉生椒室烏號

弓慘鼎湖龍無那雌風暫化雄高捲珠簾人似玉天孫星煥紫微宮九環金履輝龍動加冕儀成寰宇頌聖油漿灑雪花裳神御鑒飛金甲鞞龍動即論

聖山皆女皇加冕時禮制金甲神御女皇鑒式上壽瑤宮二十齡翩翩翠雀舞雲屏冰膚春皎如姑

射銀漢秋涼渡嬌星薩哥侯嗣瓊枝麗紅絲一縷新蘿施簾簾迎入女英家夜合花開歌吉利行宮從此闢情天錦壁牙船象萬千白石玲瓏環素女瓊

樓宛轉集金仙宸遊時奏雙飛曲笑顧葡萄紅百斛水晶樓閣夜光多金粉

江山春睡足彈指雲烟廿二年銀婚明月不曾圓西俗以結婚滿廿五年為銀婚那堪冠上

黃楊葉化作碑前白柰圈懊懷聲裏嬌鸞哭杜鵑三鳥哀音續鬢絲揉枕綠

雲蓬淚帕兜珠銀海浴銷夏分明憶那廂鮫綃嚮手立風廊玉杯分飲香櫟

水翠盞同斟雪藕漿蝶蝶鵲朝復暮仙山縹渺歸何處遺影空留玉鏡塵

芳心苦挹紅菰露只是難銷永別魂強模石象寢宮門金人彷彿阿房製鐵

佛依稀印土尊相思豆子迦陵鳥從此娥皇歡樂少舞衫罷演拍梯歌拍梯英京

名女
伶

梵偈時爲基督禱宮中盛事越尋常玉葉金枝繞御牀椒寢佳兒青雀
子簫樓快堦谷蠡王眼底心頭無一可白紗永永纏螭首玄衣竟夕裏癡愁
金盆終年拋素肘精衛難填恨海波媧皇爭奈漏天何秋墳寂寂甯馨鬼春
夢沈沈未醒婆殯宮紅葉鄰溫則圓屋琉璃櫚文石粉壁還摹十字圖佳城
早卜雙棲宅海紅花落草初齊寒食英倫上塚時銀椀勃蘭鸚母泣蒿燈燐
火鳳雛啼娥皇自是多情種英武尤爲友邦重歐風墨雨一薦支六十二年
辰極拱一朝憔悴碧犀牀海上曾無續命方湘竹啼殘尋帝子巫雲飛去戀
襄王哀聲流入滄溟外鳴咽魚龍齊奏薤穹碑記念蟹行文寢殿招魂螺誦
唄慘慘離宮夕照斜鴛鴦雙笑鬼鑿車春風春月年年好爭唱維多利亞花

何震彝

暢威

少年

少年心力垂垂耗欲懣浮名卻未能繕性豈須通上理純情難免墮中乘

才偃蹇閑時省醉態
覺騰醒後增終是爐灰消不盡
偶存餘熱傲春冰

歲暮

歲暮沈思天下事
一生消得幾悲歡
函胡閱世花千樣
刻苦磨人壘半丸
那肯心長隨意短
可堪夢窄較春寬
繁霜未損江梅艷
添得風懷別種寒

君遂贈陳子言新刊尊瓊集詩因寫卷尾

故人隔海經年別
銷沮煙霞太古情
脫手一編傳浩唱
稱心七字弋高名
徐凝早許通真誥
宋玉還堪喚老兵
解得唐賢三昧肯
涵天才氣歛縱橫

邱逢甲

仙根

次哭

壽

將別嶺南卽席韻

仙不在菖蒲澗
佛不在風幡堂
勞君打包出東林
騎鶴離武昌
與君携手南極旁
坐看東海惡潮撼
樂浪西嶠戰雲連
點蒼地下鬪麒麟
天上敍鳳凰
有矢不得射天狼
有弓不得掛扶桑
三十六軍盡女子
軍中之氣安得揚
乘軒

三百人濟濟何踰踰頭揭取六一泥放出北斗斟天漿上天誰御蛟龍車
渡海誰駕鼉鼉梁烈烈蚩尤魂持頭欲咋古帝軒轅黃千秋萬歲心徒傷橫
來小者侯而大者王乃今置之祝融汙古月不涼今月涼不生不死百草何
用神農嘗長劍玉珥鳴琳琅北收黃河南收江乾坤納之一鉢藏筮亦不能
短龜亦不能長赤手捧出日月雙九頭之紀重紀天地人三皇北不盡函營
南不盡荊揚呼取天孫爲織裳牽牛爲服箱胡爲反與下界蟣虱徬徨重徬
徨古來顏回爲素臣仲尼爲素王華袞斧鉞筆削終日忙有天僅倚柱壓頭
頭不昂丈夫動輒計萬世畢竟幾人遺臭與流芳麟乎麟乎逢魯園鳳兮鳳
兮趨楚狂樵僂人民不自小乃與龍伯大人之國相頡頏呼天留三光呼地
留五常世間狐貉噉人已將盡慎勿更遣虎豹來九閭與君今日相逢竟何
日非蘇非李落日吟河梁三萬六千椰酒觴飽有荔支飢檳榔三生一穗沈
水香死不用青蠅弔仲翔生不用金雞下夜郎羅浮仙蝴蝶作繭爲衣裳香

溪之水春可航朱明洞天逕未荒送君此去吾亦隱四白三十二君待我開
草堂麻姑玉女梅花美人盡列侍人間無此溫柔鄉噫嘻乎嗟哉白雲鄉是
溫柔鄉

盛景璐

季瑩

和石公題照霞樓壁韻

小住何妨屋似舟晚風吹送隔江謠柳枝無力初搖榭藤蔓新移漸翳樓雲
海逍遙君是鶴烟波浩蕩我同鷗歲華獨臥傷遲暮閒看風騷已倦遊
乍雨乍晴朝復朝坐忘風露已中宵西江笠屐羅浮杖南岸笙歌珠海簫紅
荔灣頭新漲水素馨斜畔晚來潮不妨長作天南客十日平原意未銷

陳壽彭

釋如

曠言

驅車北邙過塚墳何陳陳人事一消歇白骨委風塵夜臺不復旦長與鬼爲

原
稿
缺

原
稿
缺

江孔殷 霞公

蘭老齋中盆景有雙峯並秀小橋貫之題曰小羅浮爲賦二首

記從天外一昂頭四百奇峯對面收願得化爲仙蝶去此身長寄小羅浮
廿年竹杖芒鞋遍境界于今大不同別有天然邱壑在和詩留入畫圖中

黃瑞蓮 少白

鴻門宴

范增欲殺沛公項伯乃蔽沛公殺沛公者不智蔽沛公者不忠君不見鴻門
宴雙劍舞罷玉斗獻亞父心何勞季父心早變堪笑拔山舉鼎蓋世雄此會
竟成可憐蟲生之殺之無定見坐令輕騎逃去酒筵空豈知王者必不死早
在留侯成算裏

題孫雪堂美人小影

過眼繁華夢已醒青衫紅袖怨飄零桃花人面空留影一樣癡心畫小青